

یوہ آکا شوانی جموں ہے عبدالرحمان تے نصرت چوہدری تیں خبر سُنو۔

\*\*\*\*\*

## HEADLINES

- ۱۔ ریل ٹریفک آج وی مکمل طور پر معطل رہی جموں ریلوے سٹیشن ور کسے وی ریل گڈی غی آمدرفت نہیں ہوئی جموں سرینگر قومی شاہراہ لگاتار چوتھے تہاڑے وی بند رہیو تے جموں خطہ غا تمام تعلیمی ادارہ 30 اگست توڑی بند ریں غا۔
- ۲۔ مرکزی وزیر ڈاکٹر جتندر سنگھ نے ادھمپور غو دورو کیو تے قومی شاہراہ غا تباہ ہوا حصہ غو معائنو کیو۔
- ۳۔ نائب وزیر اعلیٰ سریندر چوہدری نے سانہ تے کٹھوعہ غا بارشاں تے سیلاب تیں متاثرہ علاقہ دورو کیو۔
- ۴۔ قوم نے عظیم ہاکی کھیداری میجر دھیان چند غا جنم دن نانہہ قومی یوم کھیڈ گا طور ور منایو۔
- ۵۔ محکمہ موسمیات نے پیش گوئی کی ہے جے رات غے وقت جموں کشمیر غا چند مقامات ور ہلکی بارش یا گرج چمک ہوسکے۔

\*\*\*\*\*

## RAIL TRAFFIC

جموں صوبہ مانہہ ریل ٹریفک آج مسلسل چوتھا تہاڑے وی مکمل طور پر بند رہی شمالی ریلوے حکام نے اعلان کیو ہے کہ جموں آن تے جان آلی 40 شڈیول ریل آج منسوخ ریں غی تے اہم جموں سرینگر قومی شاہراہ وی پاری بارشاں تیں بعد ادھمپور رام بن علاقہ مانہہ پسی پین غی وجہ تیں آج چوتھے تہاڑے وی بند ہے دوجے پاسے جموں صوبہ غا تمام سرکاری تے نجی سکول وی موسم غا خراب ہون تے سیلاب گا خدشہ غے پیش نظر 30 اگست توڑی بند رکھیا گیا ہیں پیش ہے اس بارہ مانہہ یاہ رپوٹ۔

\*\*\*\*\*

## JITENDER UDH VISIT

وزیراعظم غا دفتر مانہہ مرکزی وزیر ڈاکٹر جتندر سنگھ نے آج ادھمپور غو دورو کیو تے ذاتی طور ور قومی شاہراہ غا اُس حصہ غو معائنو کیو جہڑو حالیہ شدید بارشاں گے باعث ادھمپور تے چینی غے بچ بُری طرح متاثر ہوا ہیں۔ اپنا دورہ غے دوران ڈاکٹر جتندر سنگھ نے بحالی غا کم غو تفصیلی جائیزو ليو تے متعلقہ ایجنسیاں نانہہ ہدایت دتی جے مرمت غو کم جلد مکمل کیو جے تانجے ٹریفک غی آمدرفت ہموار طریقہ سنگ بحال ہو سکے اُنہاں نے مقامی عہدے داراں سنگ وی ملاقات کی تے اس گل ور زور دتو جے مستقبل مانہہ ایسا حالات سنگ نمڑن واسطے بروقت تیاری نہایت اہم ہے اس موقع ور بولتا واں ڈاکٹر جتندر سنگھ نے اس طرح کہیو۔

\*\*\*\*\*

## DY CM BRIDGE

نائب وزیر اعلیٰ سریندر چوہدری نے آج سانہ تے کٹھوعہ ضلعان غو دورو کیو تانجے اچانک آن آلا سیلاب تیں بعد غی صورتحال گو جائیزو ليو جاسکے سانہ مانہہ نائب وزیر اعلیٰ نے ایمر وجے پور غے نیڑے دیوک پُل غو معائنو کی و جہڑو حالیہ طوفانی بارشاں و سیلاب غے باعث نقصان زدہ ہو گیو ہے نائب وزیر اعلیٰ نے بھارتیہ قومی شاہراہ اتھارٹہ غا اعلیٰ افسران نانہہ کہی و جے وے صورتحال غی سنگینی نانہہ سنجیدگی سنگ لین۔ آکاشوانی نیوز سنگ گل بات کرتا واں نائب وزیر اعلیٰ نے اس طرح کہیو۔ اتوں کٹھوعہ مانہہ حالیہ سیلاب تے مسلسل بارشاں سنگ ہون آلا نقصانات غ و جائیزو لیتا واں نائب وزیر اعلیٰ نے مرکزی حکومت تیں مطالبو کی و ہے جے جموں صوبہ مانہہ آن آلا سیلاب نانہہ قومی آفت قرار دتو جے کیونجے اس خطہ نانہہ بڑہ نقصانات غو سامنو کرنو پیو ہے اس موقع ور بولتا واں اُنہاں نے اس طرح کہیو۔

\*\*\*\*\*

## OVERALL SITUATION

جموں کشمیر مانہہ سیلاب غی مجموعی صورتحال آہستہ آہستہ ٹھیک حالت مانہہ آرہی ہے کیونجے کئی متاثرہ علاقہ مانہہ پانی غی سطح کھٹ ہوگئی ہے بجلی پانی سڑک تے موبائل نیٹ ورک جیسی ضرورت سہولیات غی بحالی غو کم جاری ہے لیکن گُجھ علاقہ اجیں وی متاثر ہیں کیونجے لگاتار بارش تے باڈ غی وجہ تیں ڈھانچہ نانہہ نقصان پُجیو ہے انتظامیہ دن رات مرمت تے بحالی غا کم مانہہ لگی ویہے تاکہ لوکاں نانہہ بنیادی سہولیات جلد پُجائی جاسکیں شدید متاثرہ ضلاع مانہہ امداد غا کم مانہہ تیزی کی گئی ہے تے عوام تیں اپیل کی گئی ہے کہ و تعاون کریں تے وسائل نانہہ سمجھداری سنگ استعمال کریں حکام نے یقین دہانی کرائی ہے کہ جلد ہی تمام سہولیات مکمل طور ور بھال کردتی جیں گی۔

\*\*\*\*\*

## POWER WATER SUPPLY

چیف انجنئر تقسیم کاری جے پی ڈی سی ایل جموں نے گرتھسشن کنل پونی چک کٹڑہ ریاسی راجوری درابا جوڑیاں ت بن بارے بجلی غی کٹوتی غو شیڈیول جاری کیو ہے جت اچ تے کل غے روز سویرے 6 بجے تیں شام 6 بجے توڑی بجلی غی سپلائی متاثر رہ گی بجلی کٹوتی غ اس شیڈیول غی وجہ نال ریاسی راجوری پونچھ جموں غا گج علاقہ کٹڑہ تے ریلوے ٹریش نظام متاثر ریں گا ان علاقہ مانہ ضروری خدمات مرحلہ وار طریقہ سنگ مہیا کرائی جیں گی واضع رہ جے خراب موسمی صورتحال غی وجہ نال بجلی تے پانی سپلائی متاثر ہوئی ہے۔ جل شکتی محکمہ گا چیف سنجنئیر جموں نے لوکاں ور زور پایو ہے جے وے پانی غو ضرورت غے مطابق کھٹ توں کھٹ استعمال کریں تانجے مکمل سپلائی بحالی توڑی پین گو پانی میسر آسکے ان غو کہنو ہے جے معمول غی بحالی تاولاں ہی کی جے گی۔

\*\*\*\*\*

## NATIONAL SPORTS DAY

اچ قومی یوم کھیڈ ہے یوہ دن ہر سال 29 اگست نانہ عظیم ہاکی کھیداری میجر دھیان چند غی سالگرہ غی یاد مانہ منایو جے قومی یوم کھیڈ 2025 غو موضوع ہے کھیڈ سنگ پُر امن تے جامع معاشراں غو فروغ اس موضوع مانہ اس گل نانہ آجاگر کوی گیو ہے جے کھیڈ روکاوٹاں نانہ توڑ سکیں، ٹیم ورک نانہ فروغ دیں تے لوکاں ناہ خبہ مزبب یا پس منظر غا فرق تیں بالاتر ہو غے یکجا کرسکیں تقریبات مانہ اضافو کرتا واں فٹ انڈیا مشن 29 اگست تیں 31 اگست توڑی ترے روزہ ملک گیر پروگرام منعقد کرے گو۔ ایک گھنٹو کھیڈ غا میدان مانہ جیسی مہم لوکاں نانہ روزانہ کم از کم ایک گھنٹہ باہر کھیڈاں تے جسمانی سرگرمیاں واسطے وقف کرن غی ترغیب دے غی۔

\*\*\*\*\*

## ARMY TAWI BRIDGE

دوجے پاسے بھارتی فوج جموں غا بھگوتی نگر علاقہ مانہ چوتھا توی پُل ور ایک عارضی بیللی پُل بنا رہی ہے تانجے آمدرفت نانہ دوبارہ بحال کیو جاسکے حالیہ بارشاں تیں بعد پُل نانہ نقصان پُجیو تھو فوجی اہلکار دن رات کم کر رہیا ہیں تانجے گڈیاں غی آمدرفت بحال ہوسکے جس سنگ متاثرہ علاقہ مانہ امدادی خدمات تیزی سنگ پُج سکے۔

\*\*\*\*\*

## G&B HOSTEL

ایک اہم عوامی پہل غے تحت ڈائریکٹر قبائلی امور ممتاز چوہدری نے انزد احمد رانا انڈرسیکرٹری قبائلی امور غے ہمراہ اچ پونچھ مانہ گجر بکروال ہوسٹل غو دورو کیو اس دورہ غو مقصد حالیہ شدید بارشاں سنگ ہون آلا نقصانات غو جائیزو لینو تے ہوسٹل مانہ مقیم طلبہ نانہ فراہم کی جان آلی سہولیات تے فلاحی اقدامات غو معائنہ کرنو تھو معائنہ غے دوران عہدے داراں نے بارشاں سنگ متاثرہ ٹھانچہ غو جائیزو لیو تے صورتحال نانہ بہتر طور ور سمجھن واسطے ہوسٹل غا عملہ تے طلبہ غے سنگ بات چیت کی۔ آکاشوانی نیوز سنگ بات چیت کرتا واں ڈائریکٹر قبائلی امور ممتاز چوہدری نے اس طرح کہیو۔

\*\*\*\*\*

## STRANDED PILGRIMS

کٹڑہ مانہ ویشنو دیوی یاترا بند ہون تیں بعد پھسیہ واہ یاتریاں غی آمدرفت واسطے انتظامیہ نے خاص ٹرانسپورٹ غو انتظام کیو ہے۔ اے آر ٹی او ریاسی نیرج شرما نے دسیو کہ 200 تیں متی بساں غو انتظام کیو گیو ہے تانجے یاتری اپنی منزلاں توڑی خریدت سنگ پُج سکیں انہاں نے کہی و کہ انتظامیہ دن رات کم کر رہی ہے تانجے متاثرہ یاتریاں نانہ ہر ممکن سہولیات فراہم کی جاسکیں، جسراں کہ آمدرفت غا ذریعہ، کھان غی اشیاء تے رین غی جگہ۔ جناب شرما نے مزید دسیو کہ مختلف محکماں تے گڈیاں بارے انتظام کیا گیا ہیں تاکہ جد توڑی حالات سازگار نی ہوتا یاتریاں نانہ تمام سہولیات فراہم کی جاسکیں۔

\*\*\*\*\*

## WEATHER

محکمہ موسمیات نے اچ دوپہر تے رات غے وقت جموں کشمیر گا گج علاقہ مانہ ٹھوڑا عرضہ واسطے بارشاں تے طوفان غی پیش گوئی کی ہے اس غے بعد کل یعنی 30 اگست تیں پہلی ستمبر توڑی جموں صوبہ غا گجھ ضلعان مانہ درمیانی تیں پاری بارشاں جد کہ زیادہ تر علاقہ مانہ ہلکی تیں درمیانیہ درجہ غی بارشاں غو امکان ہے۔

\*\*\*\*\*

NEWS READ BY ABDUL REHMAN  
NEWS READ BY NUSRAT  
NEWS EDITOR KUNAL SHRIVATSA  
TECH ASST QUDRAT  
SKILLED RAJAT  
DEO NUSRAT